

QVÆSTIO MEDICA

CARDINALITIIS DISPUTATIONIBVS MANE DISCVTIENDA

IN SCHOLIS MEDICORVM DIE IOVIS VI. APRILIS.

M. IACOBO PERREAV, Doctore Medico Præsidente.

An Pisces conualescentibus?

1055

NOVERCAM vni sibi venisse naturam, nimis quàm facili & exposita præ cæteris viuentibus alimenti injuriæ obnoxius homo proquirari merito potuisset; nisi ea immunitate pleneque licentia rerum vtendarum dominum se ac modiperatorem protinus intelligeret: sic vt qui communem aliàs cum stirpibus & brutis nascendi moriendique sortem acceperat, hæc naturæ indulgentioris vindicta plusquam Prætoria, facta pro arbitratu eorum periculo quæ naturæ prima, normam deinceps ipse sibi poneret, scriberetque salubrius viuendi. Hinc Diata lex integrè sanis, aut caufariis non vna, nec par agris, vel è morbo naufragis, ac conualescentibus; quia, nec vna, neque vlli vsquam adeò sincera & solida sanitas obtigit, nec morbus vnus, iidemue hinc & inde cuique patent carceres in Orcum vel lucem; quanquam vt vitæ, ita victus communia & prima è contrariis, à contrariis, in contrariis elementa, quibus stant simul solido nexu artis & naturæ labor, tutela sanitatis, morbi femina, maleficia, vindiciæ. Hinc omnibus pro voto & scopo esse debuit querenda in alimento prior potiorque medicina; nemini licet tam æqua & beata, vt nunquam læserit, vel in ea peccarit artifex, errore semper de cæterò conualescentibus quàm sanis grauiore, præfentiore.

MANET quippe hos, illosque, multò maior certiorque noxa ex inconsiderato alimenti vsu, quàm siderum positu inimiciore, ærisue inquinamenti, cibo etiam quàm potu: his tamen quàm illis vt minora, sic rariora, breuiora, innocentiora ventris peccata: seueriori idcirco Diætetice artis legi in his plerumque dissimulanda, illis permittenda nunquam; sed tum quoque quum læua crudaque consuetudinis tyrannide naturæ iura occupant, opprimuntque, si qua superest ratione, coercedenda, castiganda; quæ conualescentum caufariorumque famelica natio, longa macie ac tabitudine efferta, dudumque feriat ventris acta intemperis, vitrò volens ac sciens sæpius admittit, ad Chænicem iustumque demensum, malè sanam, peiùs securam ingluuiem nescia circumscribere. Siue enim quidquid erat virium, primique roboris acuti morbi vis vltima cis paucos dies exhauserit, aut misera diuturnæ valetudinis tandem affligerit patientia, dum alij pretiosis roborantibus delusos enicant, incenduntque ieiuniosioris corpufculi annonam; hanc tu ipse contrà naturæ propitius iubeas conualescere, modò ita laxes vt simul comprimas, scitè doctus inter eas rerum ægri angustias, non mole, aut substantia, sed facultate alimentum æstimandum, operi non oneri mox futurum.

TALE vero rerum pater Oceanus pisculento sinu suppeditauerit, cuius gratia excidunt quide cælo pluunt pisces, vel è terræ visceribus contumulati eruuntur, putriue residuum aquarum vligine & situ aluntur torpidi fordidique; quales in lacubus, viuariis, lacunis, vel piscina etiam Neapolitana, gulæ promiscundus crastini securus aluit & condidit. Vt vitæ sic bonitatis ambigua πῶς μὲν τὰ δεινὰ, λιμνοὺς καὶ λίαναι, αἰὲρ ὅροι μοι, καὶ πόροι μοι; fluuiatiles, haud alioquin illaudati; præ illis fuerint pro nauca, si modò melioris succi sollicitus egeris delectum. Apage gancarum cum pedias, Ditis fercula, suo victitantes succo ostreas, mytilos, lepadas, chamas, pectunculos, vertebra, pinnas, testa veluti conditio sepulta, vasti purique elementi æstu nauseabundo vomiturientis totidem rejectamenta. Dos bonitatis integra & prima sit Pelagii Boreæ inquilinis, non illis quidem erroribus cursu nimisquam duris; non littoralibus parasitica ingluuie omniumque lurconibus; verùm saxatilibus bene sobriis succique castigatissimi. Primas ex his sibi habeat ruminalis Searus ex Epheso, è Ponto Turdus, Gobio, Phycis, Perca è Strophadibus, Iulis ex Adria, vnique notus Hippocrati Elephitis; assi omnes quam elixi, vel sine iure, arbitris Galeno, eruditique plurimum oris Apicio sedentibus, nullo non tempore reliquis præferendi.

OMNIBVS suo merito acceptam alibilis succi gratiam sic isti repræsentant, vt ab eiusdem vitio, si experiaris, planè videantur immunes. Si temperiem requiris? Febriculoso calore non adeo proclius illa vt de facili ignescat, aut secus vitæ focum inimicissimo frigore restinguat, minuatur, vel alieno humore sui impotens exundet. Si substantiam ad libellam exigas: crassi tenuisque medium constanti tenere libramento tu ipse obseruaueris? vt nihil inde naturæ, quamuis ægrius tum coquenti sit factura negotij, aut morarum sua singulis partibus diaria diribenti; procul hæc à solemnii analectorum querela, quæ cæteræ dapes crasso & pertinaci succo, etiam tum suo genio belligerantem parci promum molestius grauant; inde laudatissimi sanguinis salit vena, qui temperie vt consistentia medius sanis, ægris, fortis ambigua caufariis accommodatissimus. Quamobrem natura vel affectione calidis siccis, & quod vix credas? plus æquò humentibus, opportunè feceris oblati piscibus medicinam, elixis quidem febricitantibus; assos non febrienti si pro carne dederis nil peccaueris. Ita ex arte consulas diatæ (præsente licet obstructio nis noxa, balneo recuranda) tertianæ, quartanæ, catharro, sputo sanguinis, cancerosis, cephalalgicis, calculosis affectibus; neque etiam epilepticis ὑπερθεσται qui Pelagij, vt neque saxatiles friabili teneraque carnis mollitudinæ præcipui, his, quibus tenuante victu opus est, vel sellulariis, senibus, sanis, imbecillis, laborantibus interdiciendi.

AT minimè omnium conualescentibus, vt pote quibus necdum ex integro flamma deferuit, sed posthuma viuunt adhuc fauilla sæpè relicta in rogi, dum superstitis huius in putri humore fermenti neglectis ignariis alitur clanculum & fouetur: neque tum in vado res ægri pace sequestra satis videntur compositæ; cui aliàs morbi vi, naturæ nixu improbo, artis præsidij sic exarmato, ægræ pendentiisque valetudinis vel ipsa imbecillitas iure faciat controuersiam, morbi que iam iam redituri haud inanem metum augeat pertinaci fastidio. Quid illi tandem fiet, si auido & exhausto, eorum alimentorum indulgentior feceris copiam, quæ firmis solum benèque valentibus robur addunt, conferuntque, qualia διατροφῆς, πλεονεξία, modò βίοντος ἰσχυρῶς, his scilicet alimentis, illis venena; quibus vt offeras ἀδυνάτηα, atque πᾶσι σώματος ἀσθενίᾳ, cibi modum ἔχ' ὃ πλεονεξία, & quod magis vrget ἔχ' διαφύλαξιν mature statuas, ipsa naturæ ad obuia quæque cespitantis impotentia satis admonet. Caueas igitur ne quicquam occupes vel præstes ominosus, si pauperem foculum alimenti strue adobruas, modico, verùm assiduo & accurato pabulo, facta sensim vtilis substantiæ accessione, suscitandum. Haud alia equidem arte excitaturus es luculentiorum, quàm si boni succi πλεονεξία, non idcirco pluris excrementi insimulanda, quæ perfacile murentur, subeant, nil grauent, conualescentibus accepta sint; non ea quæ recentem accerfunt aut reuocant, vberè quamquam integro succo occasionem recidiunt; quam caufarius quisque amoliatur, pisce demum futurus sanior, nisi cum Syris aut Ægyptiis symbolum ad cœnam fundi sui desertor condixerit.

Ergo Pisces conualescentibus.



Proponebat Lutetiæ ÆGIDIUS LE BEL Parisinus A.R.S.H. M. DC. LVI.